



Urdd

Adnoddau ar Gyfer Gwasanaeth yr Urdd 2019

Cyflwyniad

Eleni, cynigir deunydd ar gyfer Gwasanaeth yr Urdd ar ffurf sydd ychydig yn wahanol. Awgrymir math syml o becyn cymorth gyda nifer o ddewisiadau hyblyg. Awgrymir ffurf litwrgaidd traddodiadol ar gyfer cynllunio'r oedfa yma ond gellir cynllunio'r addoliad yn ôl gofyn yr amgylchiadau lleol a natur yr achlysur mewn golwg.

Yn naturiol, cyfeirir at waith Urdd Gobaith Cymru yn ystod 2019 gan hoelio sylw arbennig ar y Codi Llais a gafwyd yn Neges Ewyllys Da eleni. Byddem yn gwerthfawrogi cyfeirio at hynny, ond ceir rhyddid i fod yn greadigol.

Ar gyfer cyfoethogi'r hyn a gynigir yma cyfeiriwn at yr adnoddau addoli eang a ddarperir gan Cyngor Ysgolion Sul ac Addysg Gristnogol Cymru. Dyma'r ddolen ar gyfer lawrlwytho adnoddau digidol:
https://www.ysgolsul.com/?page_id=4315

Cyfeiriwn hefyd at yr adnoddau addoli sydd ar gael ar wefan Cymdeithas y Cymod. Dyma'r ddolen: <http://www.cymdeithasycymod.org.uk/adnoddau.htm>

"Codi Llais"

Cyflwyniad: Agor Addoliad

Arweinydd: Croeso i'n gwasanaeth yn enw Urdd Gobaith Cymru sydd eleni yn hoelio sylw ar godi llais yn eofn ar ran eraill ac i herio grymoedd ein byd. Croeso i chi. Gofynnwn am fendith Duw ar ein hoedfa.

Arglwydd Grist, rwyt ti'n ein gweld
ambell dro megis dieithriaid ar y ddaear,
mewn arswyd rhag y creulondeb
ac atgasedd gwrthwynebwyr.

Ac yr wyt yn dod i ddanfon awel dyner
ar ddaear sych ein amheuron
a'n paratoi i fod yn gludwyr
heddwch a chymod.ⁱ

Y Brawd Roger o Taizé

Emyn Awgrymu: 'O Dad, fe'th garwn, addolwn, gogoneddwn.' (46), 'Diolch i ti, yr hollalluog Dduw.' (49), 'Abba, fe'th addolwn.' (54) ⁱⁱ

Cyffes: Cydnabod Bai

Arweinydd: Wrth godi llais a herio eraill rydym yn cydnabod ein bai ni ein hunain. I ni fethu dweud yr hyn y dylem ei ddweud, i ni fod yn dawedog lle yr oedd angen i ni siarad allan ac ar i ni fethu sefyll dros eraill a thros y greadigaeth sydd o'n cwmpas. Fe ofynnwn felly am faddeuant:

Am i ni drin y greadigaeth yn wael.

Arglwydd, bydd yn drugarog.

Arglwydd, gwranddo ein gweddi.

Am i ni beidio ystyried anghenion bobl eraill

Crist, bydd yn drugarog.

Crist, gwranddo ein gweddi.

Am wastraffu y pethau a roddaist i ni

Arglwydd, bydd yn drugarog.

Arglwydd, gwranddo ein gweddi.

Maddeuant a Chymod: Duw yn ein Caru

Arweinydd: Gadewch i ni fwynhau'r tawelwch meddwl hwnnw bod Duw yn ein caru ni ac yn ein dyrchafu i fyw bywyd llawn. Dygwn i gof rhai o'r geiriau hyfryd hynny o'r Beibl sydd yn dweud wrthon ni bod Duw yn ein hadfer ni ac eraill.

'Mae'n Dduw caredig a thrugarog; mae mor amyneddgar, a'i haelioni a'i ffyddlondeb yn anhygoel. Mae'n dangos cariad di-droi'n-ôl am fil o genedlaethau, ac yn maddau beiau, gwrthryfel a phechod.'

Exodus 34: 6-7

'Ydy, mae Duw wedi caru'r byd cymaint nes iddo roi ei unig Fab, er mwyn i bwy bynnag sy'n credu ynddo beidio mynd i ddistryw ond cael bywyd tragwyddol.'

Ioan 3:16ⁱⁱⁱ

Cân: Awgrymu: 'Ceisiwch yn gyntaf deyrnas ein Duw.' (274), 'Cariad Iesu Grist.' (387) neu 'Dyro dy gariad i'n clymu.' (871).

Credo: Datgan yr Hyn yr Ydym yn Credu

Gellir defnyddio'r ffurf yma neu ffurf arall o fynegi yr hyn a gredwn gyda'n gilydd.

Arweinydd: Deuwn mewn addoliad i fynegi'r hyn a gredwn. Fe feiddiwn godi llai yn hyderus gan ddweud gyda'n gilydd.

**Credaf yng nghydraddoldeb pawb,
Y cyfoethog a'r tlawd.
Credaf mewn rhyddid.
Credaf mewn dynolryw
Y gallwn greu undeb drwyddi.
Credaf yn y cariad sydd oddi fewn i bob un ohonom,
ac yn y cartref hapus ac iach.
Credaf ym maddeuant ein pechodau.
Credaf drwy gymorth y dwyfol
y cawn nerth i sefydlu
cymdeithas gyfartal.
Credaf mewn undeb, fel yr unig ffordd
i ddwyn heddwch,
a chredaf y gallwn, gyda'n gilydd, gael cyfiawnder.^{iv}**

Llais Duw: Darlleniadau Beiblaidd

*Cynigir y darnau Beiblaidd hyn fel awgrymiadau ar gyfer trafod yr ifanc yn codi
llais a Duw yn llefaru:*

O'r Hen Destament: Geni Moses Exodus 2: 1-10, Galw Samuel 1 Samuel 3, Salm 29 neu Joel 2: 28-29.

O'r Testament Newydd: Lleisiau'r Ifanc Mathew 21: 14-17, Y Bachgen Iesu yn Y Deml Luc 2: 41-52 neu Meibion a Merched yn Proffwydo Actau 2: 14-18.

Ymbilio: Gofyn i Dduw

Gellir defnyddio gweddïau fel y rhain neu ymbiliau pwrpasol eraill.

Arweinydd: Wedi clywed gair Duw fe weddiwn gyda'n gilydd dros: arweinyddion gwleidyddol, rhai yn ein byd sy'n troi at drais a thros gymunedau sy'n dioddef trais. Fe weddiwn hefyd am fyd sy'n well ac sy'n llawn gobaith.

Rhodddwn ddiolch am ein traddodiadau democrataidd ac am ryddid i fynegi barn.

Arglwydd yn dy drugaredd

Gwrando ein gweddi.

Rydym yn edifar am gyfnodau lle bu i anghytundeb arwain at chwerwder,
a chwerwder at gasineb a thrais.

Gweddiwn dros y rhai sydd wedi troi at drais yn ddiweddar,
dros gymunedau sydd wedi dioddef,
a thros y rhai sy'n gweithio i
atal hyn rhag digwydd eto.

Arglwydd yn dy drugaredd

Gwrando ein gweddi.

Gweddiwn am weledigaeth ehangach

I adeiladu ar ein hanes heb fod wedi ein rhwymo iddo,
ac i lawenhau yn ein gwahaniaethau
heb ofn nac amheuaeth.

Arglwydd yn dy drugaredd

Gwrando ein gweddi.

Gweddiwn y gallwn fyw'n hapus

gyda ni ein hunain, a chydag eraill.

Y byddwn yn hyderus i edrych dros ffiniau

A rhoi cymorth i eraill

mewn amser o argyfwng neu drychineb,
a chroeso i'r rhai sy'n dod atom yn ddigartref.

Arglwydd yn dy drugaredd

Gwrando ein gweddi.ʻ

Alan Luff

Emyn Awgrymu: 'O llefara, addfwyn Iesu.' (340), neu 'Efengyl Tangnefedd, O rhed dros y byd.' (844) neu 'Hyfryd Eiriau'r Iesu.' (381)

Myfyrdod: Codi Llais

Yn ddiweddar cafwyd sawl stori yn y newyddion yn gysylltiedig â gwaith yr Urdd neu'n sy'n gydnaws ag amcanion y mudiad. Cynigir y straeon hyn fel deunydd crau i'w datblygu gan y rhai sy'n cynllunio'r gweithred o addoliad.

- (1) Lansio Neges Ewyllys Da yr Urdd mewn partneriaeth ag *Eastside Young Leaders Academy (EYLA)* yn Nwyrain Llundain. Dyma'r ddolen: <https://www.bbc.co.uk/cymrufyw/48300559>
- (2) Dangos y fideo 'Codi Llais' sy'n gyfochrog â'r Neges Ewyllys Da. Dyma'r ddolen: <https://www.youtube.com/watch?v=LKI--YMF7Q>
- (3) Ffenestr Cymru yn Alabama. Dyma'r ddolen: <https://golwg360.cymru/newyddion/cymru/546867-urdd-estyn-llaw-eglwys-fffenestr-cymru-alabama>
- (4) NBC yn trafod Cymru yn Genedl Noddfa. Dyma'r ddolen: <https://www.nbcnews.com/news/world/wales-becomes-nation-sanctuary-refugees-asylum-seekers-n987536>
- (5) Ffoadur o Syria sy'n dysgu Cymraeg. Dyma'r ddolen: <https://www.bbc.co.uk/cymrufyw/49130965>

Diweddsglo: Anfon Allan

Emyn Awgrymu: 'Dan dy fendith wrth ymadael.' (22), 'Ewch allan mewn llawenydd.' (56) neu 'Jubilate, jubilate.' (58)

Ewch allan i chwilio am ffrindiau

gan eu cyfarch o'r newydd.

Canfyddwch gymdogion sy'n wahanol i chi

a gwnewch nhw'n gyfeillion o'r newydd.

Ewch at y rhai yr ydych yn eu hadnabod

nad ydych o hyd yn eu hoffi

ac adeiladwch gymuned newydd.

Beth y mae Duw yn ei ofyn ganddoch chi?

I fod yn ffyddlon.

I fyw'n gyfiawn.

I garu eraill.

ac i gerdded mewn cyfeillgarwch a thangnefedd.

Bydded i fendith rhagorol Duw orffwys arnoch

a'ch cynnal mewn llawenydd.

Neu

Dduw yr Anfonwr, anfon ni,

Dduw yr Anfonedig, tyrdd gyda ni.

Dduw, Atgyfnerthwr y sawl sy'n mynd,

Dos rhyngom a rhagom

Fel y down o hyd i'r sawl a fydd yn dy alw di

Yn Dad a Mab ac Ysbryd Glân.^{vi}

Esgob Benjamin Vaughan

Cydnabyddir hawlfraint Cytûn: Eglwysi Ynghyd yng Nghymru ar *Gweddïau ar Gyfer Mileniwm Newydd*

ⁱ Y Brawd Roger o Taizé *Gweddïau ar Gyfer Mileniwm Newydd* Cytûn: Eglwysi Ynghyd Yng Nghymru. Hawlfraint © Ateliers et Presses de Taizé, 71250 Taizé, France.

ⁱⁱ Daw'r emynau o *Caneuon Ffydd* Pwyllgor Y Llyfr Emynau Cydenwadol

ⁱⁱⁱ Hawlfraint Beibl.net

^{iv} Pobl Ifanc Ayacucho, Peru *Gweddïau ar Gyfer Mileniwm Newydd* Cytûn: Eglwysi Ynghyd Yng Nghymru – Hawlfraint *Celebrating One World* CAFOD.

^v Alan Luff *Gweddïau ar Gyfer Mileniwm Newydd* Cytûn: Eglwysi Ynghyd Yng Nghymru. Hawlfraint Alan Luff.

^{vi} Esgob Benjamin Vaughan *Gweddïau ar Gyfer Mileniwm Newydd* Cytûn: Eglwysi Ynghyd Yng Nghymru